

Na osnovu člana 16. stav (4) Zakona o Vladi Zeničko-dobojskog kantona – Prečišćeni tekst („Službene novine Zeničko-dobojskog kantona“, broj 7/10), na prijedlog Ministarstva unutrašnjih poslova, Vlada Zeničko-dobojskog kantona na 107. sjednici, održanoj dana 24.08.2017. godine, donosi

ZAKLJUČAK

I.

Prihvata se mišljenje Ministarstva unutrašnjih poslova Zeničko-dobojskog kantona pripremljeno po inicijativi Vatrogasnog saveza Zeničko-dobojskog kantona za izmjene i dopune Zakona o javnom okupljanju („Službene novine Zeničko-dobojskog kantona“, broj: 10/16).

II.

Zaključak sa Mišljenjem Ministarstva unutrašnjih poslova iz tačke I ovog Zaključka upućuje se u dalju skupštinsku proceduru.

III.

Zaključak stupa na snagu danom donošenja.

Broj: 02-02-11952/17.
Datum, 24.08.2017. godine
Zenica

DOSTAVLJENO:

1x Ministarstvo unutrašnjih poslova,
1x Stručna služba Skupštine,
1x a/a.





Broj: 08-04/1- 02-1-3910-1/17.
Datum: 18.08.2017. godine

Skupština Zeničko-dobojskog kantona uputila je Ministarstvu unutrašnjih poslova Zeničko-dobojskog kantona inicijativu Vatrogasnog saveza Zeničko-dobojskog kantona za izmjene i dopune Zakona o javnom okupljanju ("Službene novine Zeničko-dobojskog kantona", broj: 10/16), radi davanja mišljenja povodom pokrenute inicijative. U tom smislu Ministarstvo unutrašnjih poslova Zeničko-dobojskog kantona daje s l i j e d e ć e:

MIŠLJENJE

Podnesena inicijativa podrazumijeva izmjene i dopune Zakona o javnom okupljanju ("Službene novine Zeničko-dobojskog kantona" broj: 10/16), u smislu da se u članu 22. stav 4. dužnost organizatora mirnog okupljanja da preduzme odgovarajuće mjere zaštite od požara, precizira na način da se obezbjedi vatrogasno dežurstvo, te sačini preventivni plan vatrogasnog dežurstva, u cilju usklađivanja navedene odredbe sa Zakonom o zaštiti od požara i vatrogastvu FBiH ("Službene novine Federacije BiH" broj: 65/09) i Zakonom o zaštiti od požara i vatrogastvu Zeničko-dobojskog kantona ("Službene novine Zeničko-dobojskog kantona" broj: 5/11).

Ministarstvo unutrašnjih poslova Zeničko – dobojskog kantona, ne podržava Inicijativu za izmjene i dopune Zakona o javnom okupljanju, iz razloga što se navedenim zakonom uređuje pravo i način organizovanja javnog okupljanja. Propisana dužnost organizatora da preduzme zaštitu od požara u cilju osiguranja reda i mira na mirnom okupljanju, predstavlja mjeru koja se preduzima u odgovarajućem obimu i na odgovarajući način, u zavisnosti od niza faktora koju uslovljavaju održavanje samog mirnog okupljanja. Tu se posebno misli na činjenicu da se mirna okupljanja odvijaju uglavnom na otvorenim prostorima, dok se druge vrste okupljanja, kao javne priredbe ili okupljanja kojima je svrha ostvarivanje privrednih, vjerskih, kulturnih, humanitarnih, sportskih, zabavnih i drugih interesa mogu odvijati u zatvorenim ili otvorenim prostorima, zbog čega je navedenim zakonom i predviđeno se u svakoj od navedenih situacija preduzimaju odgovarajuće mjere zaštite od požara. Mjere predložene u Inicijativi da se obezbjedi vatrogasno dežurstvo, te sačini preventivni plan vatrogasnog dežurstva, u skladu sa Zakonom o zaštiti od požara i vatrogastvu FBiH i Zakonom o zaštiti od požara i vatrogastvu Zeničko-dobojskog kantona, predviđaju da se isto provodi u uslovima povećane požarne opasnosti, te se odnosi na objekte i prostore u kojima se organizuju sportske, privredne, zabavne, političke i druge manifestacije, dok Zakon o javnom okupljanju obuhvata i druge vrste okupljanja, odnosno okupljanja na javnim, otvorenim i drugim prostorima, te bi predložena izmjena u smislu obezbjeđivanja vatrogasnog dežurstva i sačinjavanja plana vatrogasnog dežurstva podrazumijevala da se pored javnih priredbi i drugih oblika okupljanja, isto odnosi na sve situacije kad se organizuju mirna okupljanja, odnosno bila bi u suprotnosti sa relevantnim odredbama Zakona o zaštiti od požara i vatrogastvu FBiH i Zakona o zaštiti od požara i

vatrogastvu Zeničko-dobojskog kantona, jer bi obuhvatila i prostore koji nisu propisani navedenim zakonima.

Obzirom da su mjere zaštite od požara detaljnije propisane Zakonom o zaštiti od požara i vatrogastvu FBiH i Zakonom o zaštiti od požara i vatrogastvu Zeničko-dobojskog kantona smatramo da nema smetnji da se u pogledu okupljanja predviđenim Zakonom o javnim okupljanima, iste primjenjuju pod uslovima i na način predviđenim tim zakonima, te da ne postoji potreba da posebne mjere zaštite od požara budu obuhvaćene Zakonom o javnom okupljanju.

Dostavljeno: 2x Naslovu,
1x a/a

S poštovanjem!



MINISTAR

Nikola Arsenić



VATROGASNI SAVEZ ZENIČKO - DOBOJSKOG KANTONA

ADRESA: Sarajevska br. 41, 72000 Zenica TEL/FAX: +387 32 833 221
ID broj: 4218910610007 ASA Banka d.d. Sarajevo 134-010-0000406065
E-MAIL: vatrogasnisavezzdk@gmail.com

Zenica, 18.07.2017. godine
Broj: 01-44/17

ZENIČKO – DOBOJSKI KANTON
SKUPŠTINA KANTONA
n/r predsjedavajući

ZENIČKO-DOBOJSKI KANTON			
PRIMLJENO: 18-07-2017			
Org. jedinice	Klasifik. oznaka	Redni broj	Broj priloga
01	02	10435	1

Predmet: Inicijativu za izmjene i dopune Zakona o javnom okupljanju («Službene novine Zeničko – dobojskog kantona», broj: 10/16), dostavlja se

Poštovani,

Podnosimo Inicijativu za izmjene i dopune Zakona o javnom okupljanju («Službene novine Zeničko – dobojskog kantona», broj: 10/16), kojom predlažemo izmjene i dopune Zakona o javnom okupljanja Zeničko – dobojskog kantona, koji je trenutno na snazi, u dijelu:

ČLAN 22. STAV 4. (Osiguranje reda i mira na mirnom okupljanju)

Član 22. stav (4) riječi "zaštite od požara" zamjenju se riječima "obezbjedi vatrogasno dežurstvo, te sačini preventivni plan vatrogasnog dežurstva"

OBRAZLOŽENJE:

Razlog za ovakvu izmjenu leži u činjenici da navedeni član Zakona o javnom okupljanju («Službene novine Zeničko – dobojskog kantona», broj: 10/16) nije u skladu sa Zakonom o zaštite od požara i vatrogastva FBiH («Službene novine Federacije BiH», broj: 64/09) i Zakonom o zaštite od požara i vatrogastva ZDK («Službene novine Zeničko – dobojskog kantona», broj: 5/11). U Zakonu o zaštite od požara i vatrogastva FBiH («Službene novine Federacije BiH», broj: 64/09) član 46. stav (1) tačka 3. i stav (4) i Zakonom o zaštite od požara i vatrogastva ZDK («Službene novine Zeničko – dobojskog kantona», broj: 5/11) član 40. stav (1) tačka c) i stav (4), koji su identični i glase:

STAV (1) tačka 3. odnosno c)

za objekte i prostore u kojima se organiziraju sportske, privredne, zabavne, političke i druge manifestacije na kojima se očekuje veći broj posjetilaca, što organiziraju organizatori tih manifestacija

STAV (4)

Za dežurstvo iz stava 1. tačka 3) ovog člana potrebno je sačiniti plan preventivnog osiguranja u kojem se određuje vatrogasno dežurstvo, odnosno broj dežurnih profesionalnih ili dobrovoljnih vatrogasaca, potrebna oprema, uređaji i druga sredstva potrebna za zaštitu od

požara i plan evakuacije. Za vrijeme trajanja sportske, privredne, zabavne, političke ili druge manifestacije, sva vrata na putevima evakuacije moraju biti otključana, a putevi evakuacije prohodni.

ČLAN 22. STAV 4. (Poslije predloženih izmjena i dopuna)

Dužnost organizatora je da preduzme odgovarajuće mjere medicinske zaštite i obezbjedi vatrogasno dežurstvo, te sačini preventivni plan vatrogasnog dežurstva.

S poštovanjem,

Dostavljeno:

1x naslov

1x Kantonalna uprava CZ

1x Ministarstvo unutrašnjih poslova ZDK

1x a/a



Predsjednik Vatrogasnog
saveza ZDK-a

Halim Kulović



SKUPŠTINA

438.

Na temelju članka 37. stavak 1. točka f) Ustava Zeničko-dobojskog kantona, Skupština Zeničko-dobojskog kantona, na 31. sjednici održanoj dana 31.08.2016.godine, donosi:

**ZAKON
O JAVNOM OKUPLJANJU**

DIO PRVI - OPĆE ODREDBE

**Članak 1.
(Predmet)**

- (1) Ovim Zakonom uređuje se pravo i način organiziranja javnog okupljanja građana na području Zeničko-dobojskog kantona.
- (2) Javna okupljanja građana su slobodna i ostvaruju se na način propisan ovim Zakonom.

Članak 2.

(Pojam i vrste javnog okupljanja)

Pod javnim okupljanjem građana u smislu ovog Zakona, podrazumijevaju se mirna okupljanja i javni protesti, javne priredbe i drugi oblici okupljanja građana na prikladnom, otvorenom ili zatvorenom prostoru.

Članak 3.

(Prikladan prostor za javno okupljanje)

- (1) Prostor prikladan za javno okupljanje je javno mjesto koje je pristupačno i pogodno za okupljanje osoba, čiji broj i identitet nije unaprijed određen i na kome okupljanje osoba ne dovodi do ugrožavanja prava drugih osoba, sigurnosti ljudi i imovine, zdravlja ljudi i ometanja javnog saobraćaja.
- (2) Prostor prikladan za javno okupljanje je i prostor na kojem se odvija javni saobraćaj, kada je moguće

- (3) dodatnim mjerama obezbijediti privremenu izmjenu režima saobraćaja kao i zaštitu zdravlja i sigurnost ljudi i imovine i prava drugih osoba.

Članak 4.

(Javno okupljanje u pokretu)

- (1) Javno okupljanje se može organizirati i odvijati kao kretanje učesnika javnog okupljanja na određenom prostoru (u daljnjem tekstu: javno okupljanje u pokretu).
- (2) Javno okupljanje u pokretu, na prostoru iz članka 3. stavak (2) ovog Zakona, može se odvijati samo neprekidnim kretanjem i zadržavanjem na mjestu polaska i završetka.

Članak 5.

(Ograničenja)

- (1) Samo ovim Zakonom mogu se propisati ograničenja slobode javnog okupljanja koja su nužna u demokratskom društvu u interesu sigurnosti i zaštite prava i sloboda drugih ljudi.
- (2) Sloboda govora i javnog istupanja na javnom okupljanju ograničena je zabranom svakog pozivanja i poticanja na oružani sukob ili upotrebu nasilja, na nacionalnu, rasnu, vjersku ili drugu mržnju.
- (3) Javno okupljanje ne može organizirati politička organizacija ili udruga građana čiji je rad zabranjen.
- (4) Javno okupljanje ne može organizirati, niti na javnom okupljanju istupati osoba kojoj je pravosnažnom sudskom odlukom izrečena mjera sigurnosti zabrane javnog istupanja.

Članak 6.

(Odgovornost za štetu)

Organizator javnog okupljanja odgovara za štetu koju počine učesnici javnog okupljanja, prema pravilima objektivne odgovornosti.

Članak 7.**(Ravnopravnost spolova)**

Gramatička terminologija u ovom Zakonu podrazumijeva uključivanje oba spola.

DIO DRUGI - MIRNA OKUPLJANJA I JAVNI PROTESTI**Članak 8.****(Pojam mirnih okupljanja i javnih protesta)**

- (1) Pod mirnim okupljanjem i javnim protestom (u daljnjem tekstu: mirna okupljanja) podrazumijeva se svako organizirano okupljanje građana, koje se održava radi javnog nenasilnog izražavanja političkih, socijalnih i drugih uvjerenja i interesa.
- (2) Pod mirnim okupljanjem podrazumijeva se i svako neorganizirano, spontano okupljanje građana bez organizatora, kao neposredna reakcija na određeni događaj, nakon tog događaja, koji se održavaju radi izražavanja mišljenja i stavova povodom nastalog događaja, na prostoru propisanom u članku 17. ovog Zakona.
- (3) Mirna okupljanja iz stavka (2) ovog članka se ne prijavljuju.

Članak 9.**(Organizator mirnog okupljanja)**

- (1) Organizator mirnog okupljanja je pravna ili fizička osoba (u daljnjem tekstu: organizator) koje, sukladno odredbama ovog Zakona priprema, saziva, organizira, održava, prati i nadzire mirno okupljanje.
- (2) Kada mirno okupljanje organizira grupa građana ili više pravnih osoba, organizator je dužan da odredi zajedničkog zastupnika.

Članak 10.**(Obveza prijavljivanja mirnog okupljanja)**

- (1) Organizator ili njegov zastupnik dužan je prijaviti održavanje mirnog okupljanja, sukladno sa ovim Zakonom. Prijava za mirno okupljanje podnosi se policijskoj postaji Ministarstva unutarnjih poslova Zeničko - dobojskog kantona (u daljem tekstu: policijska postaja), u općini na čijem se području mirno okupljanje namjerava održati.
- (2) Ako se mirno okupljanje namjerava održati na području koje obuhvata dvije ili više općina, prijava se podnosi Upravi policije Ministarstva unutarnjih poslova Zeničko - dobojskog kantona (u daljem tekstu: Uprava policije).

- (3) O prijavljenom mirnom okupljanju iz stavka (2) ovog članka, Uprava policije obavještava policijske postaje na čijem području će se održati mirno okupljanje.
- (4) Prijava iz stavka (1) i (2) ovog članka, podnosi se najkasnije sedam dana prije početka održavanja mirnog okupljanja.
- (5) Izuzetno od stavka (4) ovog članka, iz naročito opravdanih razloga, prijava se može podnijeti najkasnije 48 sati prije početka održavanja mirnog okupljanja, uz obrazloženje neprijavljivanja u propisanom roku.

Članak 11.**(Sadržaj prijave)**

- (1) Prijava za održavanje mirnog okupljanja sadrži:
 - a) povod, svrhu i mjesto održavanja mirnog okupljanja,
 - b) dan, vrijeme i dužinu trajanja mirnog okupljanja, te procjenu mogućeg broja učesnika,
 - c) podatke o organizatoru ili njegovom zastupniku,
 - d) osobne podatke voditelja mirnog okupljanja,
 - e) predviđene mjere osiguranja na mirnom okupljanju,
 - f) podatke i način na koji je organizirana redarska služba,
 - g) broj redara, sa osobnim podacima i jedinstvenim matičnim brojem i
 - h) druge podatke od interesa za sigurno i nesmetano održavanje mirnog okupljanja.
- (2) Prijava mirnog okupljanja u pokretu mora sadržavati i detaljno određenu trasu kretanja, mjesto polaska i mjesto završetka, kao i način kretanja učesnika (pješice, vozilima, kombinovano).
- (3) Ako mirno okupljanje zahvata i površinu javnog puta, zbog čega bi saobraćaj bio obustavljen ili ometan, organizator je dužan da priloži i odobrenje nadležnog organa sukladno sa Zakonom o osnovama sigurnosti saobraćaja na putevima u Bosni i Hercegovini.

Članak 12.**(Postupanje po prijavi)**

- (1) Ako prijava ne sadrži sve potrebne podatke propisane u članku 11. ovog zakona, nadležni organ obavezan je od osobe koja je predala prijavu tražiti da istu dopuni u roku od 24 sata od vremena podnošenja prijave.

- (2) Ako se u navedenom roku iz stavka (1) ovog članka ne izvrši dopuna prijave sa svim traženim podacima, smatrat će se da prijava nije ni podnesena.
- (3) Mirno okupljanje, za koje prijava nije ni podnesena sukladno sa stavcima (1) i (2) ovog članka, smatrat će se kao mirno okupljanje bez prijave iz članka 17. ovog zakona, o čemu će biti upoznat podnositelj prijave.

Članak 13.

(Izuzeci od obveze prijavljivanja mirnog okupljanja)

- (1) Od obveze prijavljivanja mirnog okupljanja oslobođeni su udruge, političke stranke i druge pravne osobe, u sljedećim slučajevima:
- uobičajeni sastanci ili seminari ili druga slična okupljanja, koja se održavaju u zatvorenom prostoru, na kojima pristup imaju osobe po pozivu;
 - uobičajena okupljanja, sastanci, tribine, okrugli stolovi ili okupljanja registrovanih političkih stranaka, sindikalna okupljanja, koja se održavaju u zatvorenom prostoru.
- (2) Političke stranke, koalicije, liste neovisnih kandidata i neovisni kandidati organiziraju i održavaju mirna okupljanja sukladno sa odredbama Izbornog zakona Bosne i Hercegovine.
- (3) Ne prijavljuju se protesti pojedinaca.
- (4) O svakom okupljanju iz stavka (1) i (2) ovog članka, čije održavanje izričito zahtijeva preduzimanje dodatnih mjera osiguranja, organizator, odnosno zajednički zastupnik dužan je izvijestiti nadležnu policijsku postaju.

Članak 14.

(Mjesto održavanja mirnog okupljanja)

- (1) Mirno okupljanje može se održavati na svakom za to prikladnom prostoru, sukladno sa odredbama članka 3. ovog Zakona.
- (2) Ako se javno okupljanje prijavljuje za više lokacija, potrebno je za svaku lokaciju navesti vrijeme početka i završetka okupljanja.

Članak 15.

(Vrijeme održavanja mirnog okupljanja)

Mirno okupljanje se može održati u vremenu od 08,00 do 22,00 sata.

Članak 16.

(Izuzeci)

Izuzetno od odredbe članka 13. ovog Zakona, mirno okupljanje ne smije se održati:

- u blizini predškolskih i školskih ustanova, dok se u njima obavlja nastavni proces,
- u blizini zdravstvenih ustanova, na način da ometa pristup vozilima hitne pomoći i remeti mir bolesnicima,
- na javnom putu i saobraćajnicama na kojima se odvija šinski saobraćaj, na način kojim se ugrožava sigurnost saobraćaja,
- u zaštićenim parkovima prirode, osim mirnih okupljanja koja imaju za cilj unapređenje i populariziranje zaštite prirode i čovjekove okoline,
- u blizini spomenika kulture, ako bi to moglo prouzrokovati uništenje ili oštećenje zaštićene vrijednosti,
- na drugim mjestima, ako bi se, s obzirom na vrijeme, broj učesnika ili karakter mirnog okupljanja, moglo ozbiljnije poremetiti kretanje, sigurnost, red i mir većeg broja građana,
- u blizini objekata koji se posebno osiguravaju, na udaljenosti od najmanje 20 metara.

Članak 17.

(Prostor za mirno okupljanje bez prijave)

Gradsko odnosno Općinsko vijeće donosi Odluku o određivanju prostora za mirna okupljanja bez prijave.

Članak 18.

(Dodatne mjere osiguranja)

- (1) Ako mjere osiguranja koje je utvrdio organizator, prema procjeni nadležne policijske stanice nisu dovoljne, policijska postaja pismeno nalaže organizatoru da poduzme dodatne mjere osiguranja, u roku koji ne može biti kraći od 24 sata.
- (2) Ako organizator ne postupi blagovremeno po naloženim mjerama iz stavka (1) ovog članka, policijska postaja će zabraniti održavanje mirnog okupljanja i postupiti sukladno sa odredbama članka 19. stavak (1) točka g) ovog Zakona.

Članak 19.

(Zabrana održavanja mirnog okupljanja)

Održavanje mirnog okupljanja će se zabraniti, ako:

- je usmjereno na narušavanje javnog reda i mira ili ugrožavanje života i sigurnosti ljudi i imovine,
- je usmjereno na vršenje kaznenih djela ili poticanje na vršenje krivičnih djela,
- je prijavljeno održavanje mirnog okupljanja na prostorima na kojima se, na osnovu ovog Zakona, ne smiju održati,

- d) nije blagovremeno i uredno prijavljeno kada je prijavljivanje obvezno,
- e) su ciljevi usmjereni na pozivanje i poticanje na oružani sukob ili upotrebu nasilja, na kršenje zagarantiranih prava i sloboda čovjeka, na nacionalnu, rasnu, vjersku ili drugu mržnju ili netrpeljivost,
- f) je to potrebno radi sprečavanja ugrožavanja zdravlja ljudi, na zahtjev organa državne uprave mjerodavnog za poslove zdravstva,
- g) po pismenom nalogu policijske postaje, organizator blagovremeno ne poduzme dodatne mjere osiguranja,
- h) ga organizira pravna ili fizička osoba, čiji je rad pravomoćnom odlukom nadležnog suda zabranjen,
- i) je na javnom okupljanju planirano istupanje osoba, kome je pravomoćnom sudskom odlukom zabranjeno javno istupanje.

Članak 20.

(Donošenje rješenja)

- (1) Rješenje o zabrani održavanja mirnog okupljanja donosi policijska postaja, odnosno Uprava policije.
- (2) Rješenje iz stavka (1) ovog članka mora se donijeti najkasnije 48 sata prije prijavljenog početka održavanja mirnog okupljanja, odnosno 24 sata ako se radi o izuzetku iz članka 10. stavak (5).

Članak 21.

(Žalbeni postupak)

- (1) Protiv rješenja iz članka 20. ovog Zakona organizator, odnosno zajednički zastupnik, može izjaviti žalbu, najkasnije u roku od 24 sata po prijemu rješenja, a izuzetno u slučajevima iz članka 10. stavak (5), u roku od 12 sati po prijemu rješenja.
- (2) Žalba se putem Policijske postaje podnosi Upravi policije Ministarstva unutarnjih poslova Zeničko-dobojskog kantona, na rješavanje.
- (3) Žalba iz stavka (1) ovog članka ne odlaže izvršenje rješenja.
- (4) Postupak rješavanja po žalbi je hitan, a rješenje po žalbi se donosi i dostavlja podnositelju žalbe najkasnije u roku od 24 sata od prijema žalbe, a izuzetno u slučajevima iz članka 10. stavak (5) mora se završiti najkasnije u roku od 12 sati od prijema žalbe.

- (5) Ukoliko Uprava policije, u utvrđenom roku ne odluči po žalbi, mirno okupljanje se može održati.
- (6) Organizator je dužan, odmah po prijemu konačnog rješenja kojim se zabranjuje mirno okupljanje, obavijestiti javnost o tome i ukloniti javno istaknuta obavještenja o sazivanju mirnog okupljanja.

Članak 22.

(Osiguranje reda i mira na mirnom okupljanju)

- (1) Organizator je dužan osigurati red i mir u toku održavanja mirnog okupljanja.
- (2) Organizator je dužan utvrditi mjere osiguranja i obezbijediti dovoljan broj redara.
- (3) Organizator može obavljanje redarskih poslova povjeriti Agenciji za zaštitu ljudi i imovine.
- (4) Dužnost organizatora je da poduzme odgovarajuće mjere medicinske zaštite i zaštite od požara.
- (5) Održavanje javnog reda i mira na prostoru koji se nalazi neposredno uz mjesto održavanja mirnog okupljanja vrše policijski službenici policijske stanice na čijem se području mirno okupljanje održava.

Članak 23.

(Omogućavanje prolaska)

Na prostoru gdje se održava mirno okupljanje, organizator je dužan omogućiti prolazak vozilima policije, hitne pomoći, vatrogasnim vozilima i vozilima nadležnog tužiteljstva.

Članak 24.

(Zabrana nošenja oružja i drugih predmeta)

- (1) Učesnicima mirnog okupljanja, kao i osobama koje se kreću prema mjestu održavanja mirnog okupljanja, zabranjeno je nositi oružje ili predmete pogodne za nanošenje tjelesnih povreda, te alkoholna pića.
- (2) Učesnicima mirnog okupljanja zabranjeno je nošenje odjeće, oznaka ili drugih obilježja, kojima se poziva ili potiče na rat ili upotrebu nasilja, na nacionalnu, rasnu ili vjersku mržnju ili bilo koji oblik netrpeljivosti.

Članak 25.

(Voditelj mirnog okupljanja)

- (1) Organizator je dužan odrediti voditelja mirnog okupljanja (u daljnjem tekstu: voditelj).
- (2) Voditelj je osoba koja vrši nadzor nad održavanjem mirnog okupljanja i usmjerava rad redara.

(3) Voditelj je dužan poduzeti potrebne mjere radi osiguranja reda i mira na mirnom okupljanju.

(4) Dužnost voditelja je da prekine mirno okupljanje ako nastupi stvarna opasnost za sigurnost ljudi i imovine.

(5) Voditelj može nastaviti prekinuto mirno okupljanje ako su u međuvremenu otklonjene okolnosti iz stavka (4) ovog članka, u vremenskom terminu u kojem je mirno okupljanje najavljeno.

Članak 26.

(Dužnosti redara)

(1) Organizator određuje redara koji vrši poslove održavanja reda i mira na mirnom okupljanju.

(2) Redar je za vrijeme obavljanja poslova održavanja reda i mira dužan štiti učesnike mirnog okupljanja i imovinu koja se nalazi na prostoru na kojem se održava mirno okupljanje.

(3) Redar je dužan zadržati i odmah predati policiji učesnika mirnog okupljanja, kao i osobu koja se kreće prema mjestu održavanja mirnog okupljanja, a koja nosi oružje ili predmete pogodne za nanošenje tjelesnih povreda.

(4) Redar za vrijeme obavljanja poslova održavanja reda i mira ima pravo:

- a) izvršiti pregled osoba koje ulaze u prostor na kojem se održava mirno okupljanje,
- b) zabraniti ulazak u prostor na kojem se održava mirno okupljanje osobi za koju se ocijeni da bi mogla remetiti red i mir, a posebno osobi u pijanom stanju,
- c) usmjeravati kretanje učesnika mirnog okupljanja,
- d) udaljiti osobu koja remeti red i mir,
- e) odmah predati policiji osobu koja teže remeti red i mir.

Članak 27.

(Uniforma redara)

(1) Redar je dužan za vrijeme obavljanja redarskih poslova da nosi prsluk fluorescentne boje sa vidljivim natpisom "REDAR".

(2) Redar ne smije nositi oružje niti predmete pogodne za nanošenje tjelesnih povreda, niti odjeću, odnosno obilježja u smislu članka 24. stavak (2) ovog Zakona.

Članak 28.

(Prekid mirnog okupljanja)

Policijski službenici ovlašteni su da spriječe ili prekinu mirno okupljanje, ako:

- a) se učesnici pozivaju govorom i pismenim transparentima ili potiču na oružani sukob ili nasilje, kršenje zagarantirana prava i sloboda čovjeka, nacionalnu, rasnu, vjersku ili drugu mržnju,
- b) nastupi stvarna ili izravna opasnost od nasilja, uništavanja materijalnih dobara ili drugih oblika narušavanja javnog reda i mira u većem obimu,
- c) nastupi stvarna ili izravna opasnost po zdravlje učesnika mirnog okupljanja ili drugih ljudi,
- d) njegovo održavanje nije blagovremeno i uredno prijavljeno, ako je prijavljivanje obvezno ili je zabranjeno,
- e) ga organizira politička organizacija ili udruga građana čiji je rad zabranjen ili ako ga sazove ili na njemu javno istupa osoba kojoj je pravomoćnom sudskom odlukom izrečena mjera sigurnosti zabrane javnog istupanja,
- f) se održava na mjestu koje nije navedeno u prijavi,
- g) je neko od učesnika mirnog okupljanja naoružan,
- h) redari ne mogu održati red i mir,
- i) se mirno okupljanje održava na prostoru suprotno odluci iz članka 17. ovog Zakona.

Članak 29.

(Mjere usmjerene na prekid mirnog okupljanja)

- (1) Policijski službenik će naredbu o prekidu mirnog okupljanja iz članka 28. ovog Zakona saopštiti voditelju mirnog okupljanja.
- (2) Voditelj je dužan učesnicima mirnog okupljanja saopćiti da je mirno okupljanje prekinuto i zatražiti da se mirno razidu.
- (3) Ako voditelj ili učesnici mirnog okupljanja ne postupe sukladno sa naredbom iz stavka (1) ovog članka, policijski službenici su dužni, u okviru ovlasti utvrđenih Zakonom o policijskim službenicima Zeničko - dobojskog kantona, poduzeti odgovarajuće mjere i radnje, sa ciljem sprovođenja naredbe iz stavka (1) ovog članka.

DIO TREĆI - JAVNE PRIREDBE**Članak 30.****(Pojam javnih priredbi)**

- (1) Pod javnim priredbama podrazumijevaju se okupljanja organizirana radi ostvarivanja prihoda u okviru registrirane djelatnosti.
- (2) Javne priredbe mogu se organizirati na otvorenom ili zatvorenom prostoru namijenjenom ili prikladnom za njihovo održavanje, u smislu odredaba članka 3. ovog Zakona.

Članak 31.**(Organizator javne priredbe)**

- (1) Organizator javne priredbe je pravna ili fizička osoba koja sukladno sa ovim Zakonom organizira javnu priredbu.
- (2) Kad javnu priredbu organizira grupa građana ili više pravnih osoba, dužne su odrediti svog zajedničkog zastupnika.

Članak 32.**(Prijava javne priredbe)**

- (1) Organizator javne priredbe, odnosno njegov zastupnik, dužan je podnijeti prijavu za održavanje javne priredbe.
- (2) Javna priredba se prijavljuje najkasnije sedam dana prije početka njenog održavanja.
- (3) Prijava iz stavka (1) ovog članka podnosi se policijskoj stanici.
- (4) Prijava za održavanje javne priredbe sadrži:
 - a) podatke o cilju, mjestu, datumu i vremenu održavanja i trajanju javne priredbe,
 - b) naziv i sjedište organizatora i osobne podatke odgovorne osobe, odnosno zastupnika ako je organizator više pravnih osoba ili grupa građana, ime i prezime i jedinstveni matični broj ako je organizator fizička osoba,
 - c) osobne podatke voditelja javne priredbe,
 - d) spisak redara sa njihovim osobnim podacima,
 - e) podatke o mjerama koje organizator poduzima za održavanje reda i mira,
 - f) procjenu broja učesnika i
 - g) druge podatke od interesa za sigurno i nesmetano održavanje javne priredbe.

- (5) Ako se javna priredba održava na površini javnog puta, zbog čega bi promet bio obustavljen ili ometan, organizator je uz prijavu dužan priložiti i odobrenje nadležnog organa sukladno sa odredbama Zakona o osnovama sigurnosti prometa na putevima u Bosni i Hercegovini.

Članak 33.**(Zabrana prodaje, točenja i ponude alkoholnih pića na javnoj priredbi)**

- (1) Na javnoj priredbi, prije početka i po završetku, kao i za vrijeme njenog održavanja, nije dozvoljena prodaja, točenje i ponuda alkoholnih pića.
- (2) Organizator javne priredbe dužan je poduzeti sve potrebne mjere na realizaciji zabrane iz stavka (1) ovog članka.

Članak 34.**(Zabrana održavanja javne priredbe)**

Zabranit će se održavanje javne priredbe, ako:

- a) nije blagovremeno i uredno prijavljena,
- b) organizator prema procjeni nadležne policijske stanice ne sprovede dodatne mjere osiguranja iz članka 18. ovog Zakona,
- c) je prijavljena na prostoru koji nije namijenjen ili nije prikladan za održavanje javne priredbe i
- d) postoji stvarna opasnost da bi održavanjem javne priredbe bila ugrožena sigurnost osoba i imovine, narušen javni red i mir u većem obimu ili ugroženo zdravlje ljudi i životne sredine.

Članak 35.**(Primjena odredbi Zakona na javne priredbe)**

Odredbe od članka 18. do 29. ovog Zakona, shodno se primjenjuju i na javne priredbe.

DIO ČETVRTI - DRUGI OBLICI OKUPLJANJA**Članak 36.****(Pojam drugih oblika okupljanja)**

- (1) Pod drugim oblicima okupljanja podrazumijevaju se okupljanja kojima je svrha ostvarivanje gospodarskih, vjerskih, kulturnih, humanitarnih, sportskih, zabavnih i drugih interesa, koji nemaju za cilj ostvarivanje prihoda.
- (2) Drugi oblici okupljanja iz stavka (1) ovog članka se ne prijavljuju.

Članak 37.**(Prijava drugih oblika okupljanja)**

- (1) Izuzetno od odredbi članka 36. stavak (2) ovog Zakona, organizator je dužan da prijavi i druge oblike okupljanja, ako karakter ili očekivani broj učesnika drugog oblika okupljanja nalaže poduzimanje dodatnih mjera osiguranja.
- (2) Prijava drugog oblika okupljanja iz stavka (1) ovog članka podnosi se najkasnije pet dana prije početka njegovog održavanja.
- (3) Prijava se podnosi nadležnoj policijskoj postaji iz članka 10. stavak (1) ovog Zakona.
- (4) Prijava sadrži podatke iz članka 11. ovog Zakona.

Članak 38.**(Primjena odredbi Zakona na druge oblike javnih okupljanja)**

Odredbe od članka 18. do 29. ovog Zakona, primjenjuju se i na druge oblike javnih okupljanja osim u slučajevima kada se održavaju sportska takmičenja na području Zeničko-dobojskog kantona, a kada je u pitanju bezbjednost gledatelja, takmičara ili sportske priredbe, sprečavanje, suzbijanje i sankcioniranje nedoličnog ponašanja, nereda i nasilja, prije, za vrijeme i nakon sportskog takmičenja ili sportske priredbe i druga pitanja od značaja za bezbjednost ljudi i imovine, primjenjuju se odredbe Zakona o bezbjednosti održavanja sportskih takmičenja u Zeničko-dobojskom kantonu ("Službene novine Zeničko-dobojskog kantona", broj: 2/06).

DIO PETI - KAZNE ODREDBE**Članak 39.****(Novčane kazne za organizatore javnih okupljanja)**

- (1) Novčanom kaznom od 3.000 KM do 9.000 KM kaznit će se za prekršaj organizator javnog okupljanja - pravna osoba, ako:
 - a) održi javno okupljanje bez prijave, a prijavljivanje je obvezno (čl. 10. stavak (1), članak 32. stavak (1) i članak 37. stavak (1)),
 - b) održi javno okupljanje suprotno prijavi u pogledu povoda, svrhe, mjesta i vremena održavanja (članak 11. stavak (1), članak 13. stavak (2), članak 14., članak 32. stavak (4) i članak 37. stavak (4)),
 - c) održava mirno okupljanje na mjestima na kojima se ne smije održavati (članak 16. i članak 17.),

- d) održi mirno okupljanje suprotno rješenju policijske postaje o zabrani održavanja mirnog okupljanja (članak 20.),
- e) ne postupi po naloženim mjerama osiguranja od strane nadležnog policijskog organa (članak 18. stavak (1)),
- f) ne obavijesti javnost o zabrani održavanja mirnog okupljanja (članak 21. stavak (6)),
- g) ne osigura red i mir na mirnom okupljanju, ne osigura dovoljan broj redara i ne poduzme odgovarajuće mjere medicinske zaštite i zaštite od požara na mirnom okupljanju (članak 22. stavak (1), (2) i (4)),
- h) ne omogući nesmetan prolazak vozilima policije, hitne pomoći, vatrogasnim vozilima i vozilima nadležnog tužiteljstva na mirnom okupljanju (članak 23.),
- i) ne odredi voditelja mirnog okupljanja (članak 25. stavak (1)),
- j) ne poduzme sve potrebne mjere na javnoj priredbi, da prije i po završetku, kao i za vrijeme njenog održavanja, ne bi došlo do prodaje, točenja i ponude alkoholnih pića (članak 33. stavak (2)),
- k) održava ili održi javno okupljanje koje nije blagovremeno prijavljeno, kada je prijavljivanje obvezno (članak 10. stavak (4) i (5), članak 32. stavak (2) i članak 37. stavak (2)).

(2) Novčanom kaznom od 500 KM do 1.500 KM, kaznit će se organizator javnog okupljanja - fizička osoba, za prekršaje iz stavka (1) ovog članka.

(3) Novčanom kaznom od 500 KM do 1.500 KM kaznit će se odgovorna osoba u pravnoj osobi, za prekršaj iz stavka (1) ovog članka.

Članak 40.**(Novčane kazne za voditelja mirnog okupljanja)**

Novčanom kaznom od 500 KM do 1.500 KM kaznit će se za prekršaj voditelj mirnog okupljanja, ako:

- a) ne postupi po članku 25. stavak (2), (3), (4) i (5) ovog Zakona,
- b) učesnicima mirnog okupljanja ne saopšti da je mirno okupljanje prekinuto i ne zatraži od istih da se mirno razidu (članak 29. stavak (2)).

Članak 41.**(Novčane kazne za redare)**

Novčanom kaznom od 200 KM do 600 KM kaznit će se za prekršaj redar na mirnom okupljanju, ako:

- a) ne preduzme mjere utvrđene u članku 26. ovog Zakona,
- b) ne nosi prsluk fluorescentne boje sa vidljivim natpisom “REDAR” (članak 27. stavak (1)),
- c) nosi oružje ili predmete pogodne za nanošenje povreda, uniformu, dijelove uniforme, odjeće ili drugih obilježja kojima se poziva ili potiče na oružane sukobe ili upotrebu nasilja, nacionalnu, rasnu, vjersku ili drugu mržnju (članak 27. stavak (2)).

Članak 42.**(Novčane kazne za fizičke osobe)**

Novčanom kaznom od 200 KM do 600 KM kaznit će se za prekršaj fizička osoba, ako:

- a) kao učesnik mirnog okupljanja postupi suprotno članku 16. ovog Zakona,
- b) kao učesnik mirnog okupljanja postupi suprotno rješenju Policijske postaje o zabrani održavanja mirnog okupljanja (članak 20),
- c) kao učesnik mirnog okupljanja ne omogućiti nesmetan prolazak vozilima policije, hitne pomoći, vatrogasnim vozilima i vozilima nadležnog tužiteljstva na mirnom okupljanju (članak 23),
- d) kao učesnik mirnog okupljanja, kao i osoba koja se kreće prema mjestu održavanja mirnog okupljanja, nosi oružje ili predmete pogodne za nanošenje tjelesnih povreda ili alkoholna pića (članak 24. stavak (1)),
- e) kao učesnik mirnog okupljanja nosi uniformu, dijelove uniforme, odjeće ili drugih obilježja kojima se poziva ili podstiče na oružane sukobe ili upotrebu nasilja, nacionalnu, rasnu, vjersku ili drugu mržnju (članak 24. stavak (2)) i
- f) na javnoj priredbi, prije i po završetku, kao i za vrijeme njenog održavanja prodaje, toči i nudi alkoholna pića (članak 33. stavak (1)).

DIO ŠESTI - PRIJELAZNE I ZAVRŠNE ODREDBE**Članak 43.****(Nadzor nad primjenom zakona)**

Nadzor nad primjenom ovog Zakona vršit će Ministarstvo unutarnjih poslova Zeničko-dobojskog kantona.

Članak 44.**(Odluka)**

Gradsko odnosno Općinsko vijeće donosi Odluku iz članka 17. ovog Zakona u roku od 60 dana od dana stupanja na snagu ovog Zakona.

Članak 45.**(Započeti postupci)**

Svi postupci koji do dana stupanja na snagu ovog Zakona nisu pravosnažno okončani završit će se po odredbama Zakona koji je bio na snazi u vrijeme donošenja ovog Zakona.

Članak 46.**(Prestanak primjene važećeg zakona)**

Danom stupanja na snagu ovog Zakona prestaje da se primjenjuje Zakon o javnim skupovima (“Službene novine SR Bosne i Hercegovine”, broj 41/90 i “Službeni list R BiH”, broj: 13/93 i 13/94) na području ovog Kantona.

Članak 47.**(Stupanje na snagu)**

Ovaj Zakon stupa na snagu osmog dana od dana objavljivanja u “Službenim novinama Zeničko-dobojskog kantona”.

Broj: 01-02-15192/16
Datum, 31.08.2016. godine
Z e n i c a

PREDSJEDATELJICA**Draženka Subašić, v.r.****439.**

Na temelju članka 18. Ustava Zeničko-dobojskog kantona („Službene novine Federacije BiH“, broj:7/96, „Službene novine Zeničko-dobojskog kantona“, broj: 1/96, 10/00, 10/00, 8/04 i 10/04) i članka 3. Zakona o utvrđivanju i obilježavanju Dana Zeničko-dobojskog kantona („Službene novine Zeničko-dobojskog kantona“, broj 6/13), Skupština Zeničko-dobojskog kantona, na 31. sjednici održanoj dana 31.08.2016. godine, d o n o s i:

O D L U K U

o potvrđivanju Programa obilježavanja Dana Zeničko-dobojskog kantona za 2016. godinu

I.

Potvrđuje se Program obilježavanja Dana Zeničko-dobojskog kantona za 2016. godinu.



Broj: 01-02-10435-1/17
Zenica, 20.07.2017. godine

ZENIČKO-DOBOJSKI KANTON
VLADA KANTONA
Stručna služba Vlade
n/r sekretara

PREDMET: Inicijativa Vatrogasnog saveza Zeničko-dobojskog kantona za izmjene i dopune Zakona o javnom okupljanju («Službene novine Zeničko-dobojskog kantona», broj: 10/16) - dostavlja se

U prilogu ovog dopisa, shodno odredbi člana 112. stav 1. Poslovnika Skupštine Zeničko-dobojskog kantona - Novi Prečišćeni tekst («Službene novine Zeničko-dobojskog kantona», broj: 7/12 i 12/13), dostavljamo Vam na mišljenje Inicijativu Vatrogasnog saveza Zeničko-dobojskog kantona za izmjene i dopune Zakona o javnom okupljanju («Službene novine Zeničko-dobojskog kantona», broj: 10/16), koja je zaprimljena na protokolu Zeničko-dobojskog kantona 18.07.2017. godine pod brojem: 01-02-10435/17, a u Stručnoj službi Skupštine Kantona 20.07.2017. godine.

Odredbom člana 111. Poslovnika Skupštine Zeničko-dobojskog kantona, propisano je slijedeće: „Inicijativu za donošenje zakona može pokrenuti svaki poslanik Skupštine, radno tijelo Skupštine, Vlada, ministarstva i ostali kantonalni organi, kantonalna javna preduzeća i druga pravna lica, općinska vijeća, kao i građani i njihova udruženja”.

Članom 112. stav 1. Poslovnika Skupštine Zeničko-dobojskog kantona propisano je da inicijativu za donošenje zakona predsjedavajući dostavlja Zakonodavno-pravnoj komisiji Skupštine i Vladi Kantona na mišljenje.

Molimo Vas da nam u propisanom roku od 30 dana dostavite mišljenje povodom navedene inicijative, kako bi se se mogla nastaviti provoditi odgovarajuća propisana procedura po navedenoj Inicijativi.

S poštovanjem,

PRILOG: Inicijativa Vatrogasnog saveza Zeničko-dobojskog kantona za izmjene i dopune Zakona o javnom okupljanju, broj: 01-44/17 od 18.07.2017. godine

DOSTAVLJENO:

- 1 x Naslovu,
- 1x Svim članovima Zakonodavno-pravne komisije Skupštine /04-01,
- 1x Svim poslanicima Skupštine/05-03,
- 1x Ministarstvu unutrašnjih poslova ZDK, n/r ministra
- 1x Vatrogasnom savezu Zeničko-dobojskog kantona, n/r predsjednika Hanima Kulovića, ul. Sarajevska br. 41, 72000 Zenica - (na znanje),
- 1 x U spis predmeta-03





VATROGASNI SAVEZ ZENIČKO - DOBOJSKOG KANTONA

05-01/22 07/17
05-03/20. 07. 17. 17

ADRESA: Sarajevska br. 41, 72000 Zenica

TEL/FAX: +387 32 833 221

ID broj: 4218910610007

ASA Banka d.d. Sarajevo 134-010-0000406065

E-MAIL: vatrogasnisavezdzk@gmail.com

Zenica, 18.07.2017. godine

Broj: 01-44/17

ZENIČKO – DOBOJSKI KANTON
SKUPŠTINA KANTONA
n/r predsjedavajući

ZENIČKO-DOBOJSKI KANTON			
PRIMLJENO: 18-07-2017			
Org. jedinice	Klasifik. oznaka	Redni broj	Broj priloga
01	02/	10435/	

17

Predmet: Inicijativu za izmjene i dopune Zakona o javnom okupljanju («Službene novine Zeničko – dobojskog kantona», broj: 10/16), dostavlja se

SKUPŠTINA ZENIČKO - DOBOJSKI KANTON			
Primljeno: 20.07.2017.			
Org. Jod.	Broj	Priloga	Vrijednost
01-02-	10435/17		

Poštovani,

Podnosimo Inicijativu za izmjene i dopune Zakona o javnom okupljanju («Službene novine Zeničko – dobojskog kantona», broj: 10/16), kojom predlažemo izmjene i dopune Zakona o javnom okupljanja Zeničko – dobojskog kantona, koji je trenutno na snazi, u dijelu:

ČLAN 22. STAV 4. (Osiguranje reda i mira na mirnom okupljanju)

Član 22. stav (4) riječi "zaštite od požara" zamjenju se riječima "obezbjedi vatrogasno dežurstvo, te sačini preventivni plan vatrogasnog dežurstva"

OBRAZLOŽENJE:

Razlog za ovakvu izmjenu leži u činjenici da navedeni član Zakona o javnom okupljanju («Službene novine Zeničko – dobojskog kantona», broj: 10/16) nije u skladu sa Zakonom o zaštite od požara i vatrogastva FBiH («Službene novine Federacije BiH», broj: 64/09) i Zakonom o zaštite od požara i vatrogastva ZDK («Službene novine Zeničko – dobojskog kantona», broj: 5/11). U Zakonu o zaštite od požara i vatrogastva FBiH («Službene novine Federacije BiH», broj: 64/09) član 46. stav (1) tačka 3. i stav (4) i Zakonom o zaštite od požara i vatrogastva ZDK («Službene novine Zeničko – dobojskog kantona», broj: 5/11) član 40. stav (1) tačka c) i stav (4), koji su identični i glase:

STAV (1) tačka 3. odnosno c)

za objekte i prostore u kojima se organiziraju sportske, privredne, zabavne, političke i druge manifestacije na kojima se očekuje veći broj posjetilaca, što organiziraju organizatori tih manifestacija

STAV (4)

Za dežurstvo iz stava 1. tačka 3) ovog člana potrebno je sačiniti plan preventivnog osiguranja u kojem se određuje vatrogasno dežurstvo, odnosno broj dežurnih profesionalnih ili dobrovoljnih vatrogasaca, potrebna oprema, uređaji i druga sredstva potrebna za zaštitu od

požara i plan evakuacije. Za vrijeme trajanja sportske, privredne, zabavne, političke ili druge manifestacije, sva vrata na putevima evakuacije moraju biti otključana, a putevi evakuacije prohodni.

ČLAN 22. STAV 4. (Poslije predloženih izmjena i dopuna)

Dužnost organizatora je da preduzme odgovarajuće mjere medicinske zaštite i obezbjedi vatrogasno dežurstvo, te sačini preventivni plan vatrogasnog dežurstva.

S poštovanjem,

Dostavljeno:

1x naslov

1x Kantonalna uprava CZ

1x Ministarstvo unutrašnjih poslova ZDK

1x a/a



Predsjednik Vatrogasnog
saveza ZDK-a

Halim Kulović